



Aqqalu C. Jerimiassen

UKA 2023/30

Atassut

3. oktober 2023

Uunga siunnersuut Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat

(Meeqqanut, Inuusuttunut, Ilinniartitaanermut, Kultureqarnermut Timersornermut Ilageeqarnermullu Naalakkersuisoq)

Siunertaq pitsaasoq kusanartorlu imminik assortoruminaattarpoq. Unalu siunnersuut takuinnarlugu assortoruminaappoq. Meeqqammi atualinnginnerminni meeqqerivinni meeraaqqerivinnilu nakkutigilluarneqartariaqarput eqqumaffigineqartariaqarlunilu peroriartornermi, piginnaasatigullu naapertuuttumik ingerlanerat.

Tamattami nalunngilarput meeqqerivinni sulisussarsiorneq ajornartartoq, pingaartumillu ilinniarsimasunik amigaateqartuarneq atuulluni. Tamattalu suleqataaffigissaqqaarparput meeqqat immikkut pisariaqartitsisut sapinngisamik sullinneqarluarlutillu atualernissaminnut piareeqqanissaat.

Siunnersuummut Naalakkersuisut saqqummiussaanni oqaaserpassuit isumalluarnartut atorneqarmata, assut neriuutiginarpoq taamatut allannguisoqarneratigut piviusumik allannguuteqarnissamut sunniuteqarumaartut. Naak allattorsimaffikkut allannguinnikkut, kiisalu kommunini eqaannerusumik piumasaqaasersuinissaq isumalluarnarsinnaagaluartut piviusumik sunniutissap takutikkumaarpai ilumut iluaqutaasimassanersut.

Naalakkersuisut siunnersuutaat taperserlugu ataatsimiititaliamut innersuupparput.